

פרק צד

(א) אֵל נִקְמוֹת יְהוָה אֵל נִקְמוֹת הוֹפִיעַ: (ב) הַנָּשָׂא שִׁפְט הָאָרֶץ
הַשֵּׁב גְּמוּל עַל גְּאִים: (ג) עַד מַתִּי רְשָׁעִים יְהוָה עַד מַתִּי רְשָׁעִים
יַעֲלֶזּוּ: (ד) יִבְיְעוּ יִדְבְּרוּ עֵתְךָ יִתְאַמְרוּ כָּל פְּעֻלֵי אֹן: (ה) עִמָּךְ
יְהוָה יִדְכָּאוּ וְנִחַלְתֶּךָ יַעֲנוּ: (ו) אֲלִמְנָה וְגַר יִהְרֹגוּ וִיתוּמִים
יִרְצְחוּ: (ז) וַיֹּאמְרוּ לֹא יִרְאֶה יְהוָה וְלֹא יִבִּין אֱלֹהֵי יַעֲקֹב: (ח) בֵּינוּ
בְּעָרִים בָּעַם וּכְסִילִים מַתִּי תִשְׁכִּילוּ: (ט) הַנֹּטֵעַ אֶזֶן הֲלֹא יִשְׁמַע
אִם יֵצֵר עֵין הֲלֹא יִבִּיט: (י) הַיֹּסֵר גּוֹיִם הֲלֹא יוֹכִיחַ הַמְּלַמֵּד אָדָם
דַּעַת: (יא) יְהוָה יִדַּע מַחְשְׁבוֹת אָדָם כִּי הֵמָּה הַבַּל: (יב) אֲשֶׁרִי
הַגָּבֵר אֲשֶׁר תִּיִסְרְנוּ יְהוָה וּמִתּוֹרַתְךָ תִּלְמָדְנוּ: (יג) לְהִשְׁקִיט לוֹ
מִיָּמִי רַע עַד יִכְרֶה לְרָשָׁע שְׁחַת: (יד) כִּי לֹא יִטֹּשׁ יְהוָה עַמּוֹ
וְנִחַלְתּוּ לֹא יַעֲזֹב: (טו) כִּי עַד צְדָק יָשׁוּב מִשְׁפָּט וְאַחֲרָיו כָּל
יִשְׂרָאֵל לֵב: (טז) מִי יִקּוּם לִי עִם מְרַעִים מִי יִתִּיצֵב לִי עִם פְּעֻלֵי
אֹן: (יז) לוּלִי יְהוָה עֲזָרְתָה לִי כַמַּעַט שְׂכָנָה דוּמָה נִפְשִׁי: (יח)
אִם אָמַרְתִּי מָטָה רַגְלִי חֲסִדְךָ יְהוָה יִסְעֲדֵנִי: (יט) בָּרַב שְׂרַעֲפֵי
בְּקִרְבִּי תִנְחַוּמֶיךָ יִשְׁעִשְׁעוּ נִפְשִׁי: (כ) הִיחַבְּרֶךְ כֶּסֶף הוֹת יֵצֵר
עִמָּל עָלַי חֶק: (כא) יְגוּדוּ עַל נֶפֶשׁ צְדִיק וְדָם נָקִי יִרְשִׁיעוּ: (כב)
וַיְהִי יְהוָה לִי לְמִשְׁגָּב וְאֱלֹהֵי לְצוּר מַחְסִי: (כג) וַיֵּשֶׁב עֲלֵיהֶם אֶת
אוֹנָם וּבִרְעֵתָם יִצְמִיתָם יִצְמִיתָם יְהוָה אֱלֹהֵינוּ: